

Комсомолонь Вайгяль

ЛИСЕНЬДИ III-це КИЗОСЬ

Мокшэрзянь ВЛКСМ-нь
обкомть и Саранскаень
горкомть газетасна

Адрессь: г. Саранск, ул. Ленина 9
Телефон № 1-72.

18

МАРТСТА
1936 КИЗОНЯ
32 (278) №

Лисеньди ковти 12-ксть

„ПАРИЖСКАИ КОММУНАСЬ АЩИ XIX ВЕКОНЬ ВЕЛИЧАЙШАИ ПРОЛЕТАРСКАИ ДВИЖЕНИЯНЬ ВЕЛИЧАЙШАИ ОБРАЗЕЦОКС“ (ЛЕНИН)

Карл Маркс Парижскый
Коммунать колга
Марксонь Кугельманоньди кучф сьорма
стонза

Лондон. Апрельть 12-це
шистонза 1871 кизоня

...Кодама гибкостьсна, кодама исторической инициативасна, самопожертвованияньди кодама способностьсна ня парижаттнень! Кота ковонь вача эрямода и разоренияда меле, конац вызваннай сядя пяк внутренняй изменять, чем внешняй врагть мархта, синь мольтхть восстания прусскый штукнень ала, кода бта Франциять и Германиять йоткса война и ашель, кода бта врагсь ашезь аща ниньге Парижть воротанзон инголя! Историась аф содай ниньге тафтама героизмань пример. Кда синь улихть сяськфт, тяньди винакс ули аф мезевон лия, кода синь „великодушиясна“ Эряволь эстакия модемс Версальть ланс, кодак анычек Винуась, а сияк сонь мельганза и парижскый национальной гвардиять реакционной пяльксон, ворягоцть Парижста. Моментсь волдафоль совестливостть инкса. Ашесть йора ушечнемс гражданской война, кода бта чудовищнай вырлокссь Тьерсь ашезе ушела сонь ни Парижть обезоруживадаманы эсь попыткам мархта. Омбоце эльбяткссь—центральной комитетсь пяк рана кадозень эсь полномочиянзон, штоба максомс востонц Коммунасти Тангати мнительностть пацфтьф „честностть“ сиеда. Кода ба тоса афоль уль, тяниень парижскый восстаниясь,—кда сон нльне и ули сяськфт сире обществань вирьгаснень, тувотнень и подлай пинетьнень мархта,—арси минь партиянь коньди пяк славнай подвигокс июньскый восстаниять эда савомок. Кадк сравниндасазь нят парижаттнень мархта, конат анокт штурмовандамс небать, германско-прусская священнай римскый империять холопонзон сонь (тя империять—ред.) допотопнай маскаралонзон мархта, конатнень эда яфоди казармань, церкявонь, юнкерствань шинь, а сембодонга пяк филистерства.

(К Маркс и Ф. Энгельс „Сьормат“, 289-290 лопаширеса. Н-даза Партиадатсь 1932-це кизоня).



В. И. Ленинць Коммунать эльбятксонзон и уроконзон колга

..Коммунась арась пяк чебарь образепоксаяньди, кода единопуднаиста пролетариатсь машты пяшкочнемост демократической задачатнень, конатнень буржуазиясь машть анычек азонкшнемост (провозглашать). Властень сяви пролетариатсь кодамовок особо сложнай законодательствафтома, тевса тийсь демократизация общественной стройти: полафтозе бюрократиять, йотафтозе тевс чиновникнень народть мархта кочксемасон.

Но кафта эльбяткст юмафтоз пяк чебарь победать плопонзон. Пролетариатсь лоткась пяле ки лангс: сянь васте, штоба кярмодемс „экспроприаторхнень экспроприовандама“, сон увлекандакшнесь странава высшай справедливостень сувафтомать колга мечтатнень мархта, конац пуропневи общенациональной задачат мархта; тяфтама учреждениятьне, кептьксоньди, кода банксь, апаксяфтельхть, прудонистнень „справедливый обментть“ колга теориясна и ст. тов господствовандасть ниньге социалистнень йоткса. Омбоце эльбяткссь—пролетариатть лишнай великодушияц: эрявольхть машфнемс эсь врагонза, а сон старандась тиёмс моральной влияния синь лангозост, сон пренебрегандазень гражданской войнаса чисто военной действиятьнень значенияс нон и сянь васте, штоба Версальть лангс решительнай наступлениять мархта увенчандамс Парижса эсь победани, сон ашезь эрясконд и макссь пинге версальскый правительствати пуроптомс шовда вийхнень и анокламс кровавай майскай нецеляти.

Но сембе эльбятксонзон пингста Коммунась ащи XIX-це веконь величайшай пролетарскый движениянь величайшай образецокс.

И. В. Сталинць Парижскый
Коммунать колга

Советонь республикась арси, тянь коряс, ся вешендевикс и, мекпяли, муф политической формакс, конань рамканзон эса должна улемс тиф пролетариатть экономической освобожденияц, социализмать полнай победац.

Парижскый Коммунась ульсь та формати зародышекс. Советскый властсь ащи теенза развитиякс и завершениякс.

Сембе рабочай революциятнень эда минь содатама анычек фкя, конац кой как сатозе властть. Та Парижскый Коммунась. Но сон эряс аф ламос. Сон, виде, тяряфтьс страфтомс капитализмать окованзон, но сон ашезь кенерь синь страфтомост и сембодонга пяк ашезь кенерь няфтемс народти революциять благай материальной результатонзон. Минь революцияньке ащи единственнайкс, конац аф анычем страфтозень капитализмать окованзон и макссь народти свобода, но кенерьсь ниньге максомс народти материальной условия зажиточнай эряфоньди. Тянь эса минь революцияньконь виен и аф сяськовомшка шиц.

Энгельс Парижскый Коммунать кода масторлангса пролетарскый диктатурань васеньце опытть колга

...Сире государственнай властть сяземанц и сонь од, видексонь демократической властсь полафтомац, подробнайста сьормадф „Гражданскый войнать“ колмоце отделса... Ломатьтне воображают, што тиеньдихть аф обыкновенна смелай аськолкс инголи, кда синь отделивандакшнихть наследственнай монархияти верондамаць эда и арсихть демократической республикати сторонникокс. Тевса жа государствась ащи аф мезькскалиякс, кода фкя классть омбоцетъ

мархта люпштаманцы машинакс—и демократической республикаса йофси аф сядя кржа, чем монархияса И лучшей случайста государствась ащи злокс, кона наследствань коряс макссеви пролетариатти, кона саты победа классовой господствать инкса тюремаса; сяськикс лиси пролетариатсь станя жа, кода и Коммунась, вынужденнай ули сияк машфтомс тя злоть инь калдыав ширензон ся пингс, мзярся поколениясь, кона касы, од свободнай общественной условия ули

в состоянии йордамс шири государственностень сембе [тя] хламть.

Мекольдены пингть социал-демократической филистерсь танга ушечни марьсема спасительнай ужас пролетариатть диктатурац валхнень пингста. Йоратада ли содамс, милостливый государьхть, кода тя диктатурась няеви (выглядит)? Варжакстопа Парижскый Коммунать лангс. Тя ульсь пролетариатть диктатурац.

Ф. Энгельс.

Пролетариатть, мархта получаф уроксь, аф юкстави. Рабочай классь кармай сонь мархтонза пользовандама, кода сон воспользовандась ни Россияса декабрьскый восстанияста.

Кадк рабочай классть нят кафцке грандиознай восстаниянза люпштафт (подавленайхть)—ули од восстание, конань инголе пролетариатть врагонзон вийсна 'улихть лафчт, конань эда полнай победа мархта лиси социалистической пролетариатсь.

(Ленин. Сочинениянзон XII-це томса 163-164-це лопаширеса).

Парижской Коммунась

1871-це кизонь мартть 18-це шистонза мировой историйса васень-педа буржуазнай правительствать васте сась властти рабочей классонь правительствась и якстерь знамясь арась Парижень государственнай знамякс.

Тя ульсь историйса апаке няенть событиакс, конань сембе величиянзон машть оценить аныцек революционнай мышлениянь и революционной творчествань тяфтама гигантне, кода Маркс и Энгельс. Коммунась пачфтезе классень тюремаснон пролетариатонь диктатуру ладяманцты и марнек няфезе виде шинц Марксонь и Энгельсонь научно обоснованнай прогнознон сянь колга, што капиталистической классовой обществать и сонь буржуазнай диктатуранц полафтома моли од, социалистической обществать, кода педас-пес ули машффт эксплуатациясь и улихть машффт классне, конаньди кись аши аныцек пролетариатонь диктатуру ладяманц вельде.

Парижской Коммунась эрять аныцек 72 шит, но тя нюрхкяня пинить эдзонга Коммунась кенерькшнесь тиес лама. Сон постояннай армиать полафтозе народть всеобщай вооружениянц мархта, явштозе государствать эзда церквять, максозень рабочаень артельхненди предприятиянень, конат ульсь катфт ворьгоди биржуазиять мархта, и лият

Парижской коммунархне тюреть сембе международнай пролетариатть тевонц инкса. Синь ульсь полнай правасна азомс, што „Парижской Коммунась знамяц тя ули сембе миронь республикать знамяц“. Парижской Коммунась нолдась лама эльбяткст. Сон васендакига исцень фатя крупной собственникень имуществаснон и ценностьснон, конат ульсь добувафт трудянь грабамаснон вельде, эсцень фатя банкатнень, сянть вастс, што ба беспощаднайста тюремс эсь враконзон каршес, сон няфць теест великодушие. Сяс мес ашель про

летариатть единой сплоченнай партияц, ашель соткоц Парижской Коммунась ляды Франциять мархта сембеда пяк велеть мархта, Коммунась вооруженнай защитанц лафчста пуроптомац—тя сембе вятьсь Коммунась гибеленцты. Майть 28-це шистонза Коммунась буржуазиясь ваяфтозе коммунархнен верозост.

Эсь диктатураснон ладяманц колга попыткаць инкса парижской рабочейхне юмафить 30 тьожатть ломань шавфта и ранендафта, 40 тьожатть арестованнайда и сосланнайда. Якстерь знамясь, кода либерьдсь 1871-це кизоня Парижть вельксса, кеподсь злоба и ненависть буржуазиять ширьде. Сон ульсь сяньф и „тапаф сире обществань вирьгасень, тувотнень и подлай пинетнень мархта“, кода корхнесь Маркс, но тя знамясь кеподь надияма сембе франциянь рабочаихненди и крестяттненьди.

Мировой пролетарской революциять якстерь знамяц, кода либерди земной шарть котоцек пяльксонза, — СССР-са, кепси злоба, ненависть и клевета сембе миронь империалисттнень ширьде.

Тя знамясь аши сембе миронь пролетариаттнень и угнетеннайхнен освободенияснон инкса тюремань знамякс, сон вельхтяф (оваяно) сембе миронь пролетариаттнень и трудяихнен ширьде кели кельгомаса, сон аши капиталистической рабствать, гнетть и ницетать эзда лисемань символкс.

Великай знамясь, кода ульсь кепотф коммунархнен мархта 1871-це кизоня Парижть велькс, свободнайста либерьди 1917-це кизонь октябрьста сявомок земной шарть котоцек пяльксонц вельксса, аши мировой пролетарской революциянь знамякс.

„Советской властсь“ тя омбоцевсемирно исторической аськолкс али этап пролетариатть диктатуранц развитиянцты. Васеньце ась колксонс ульсь „Парижской Коммунась“ (Ленин).

Коммунисттнень, антифашисттнень тюремативолясна аф синьдеви кодамовок фашистской террорса

Ху Лань-шенъ комсомолецть казенндамац

Ху Лань-шенъ ульсь Китайской комсомол-ь Центральной комитеца член. Теенза ульсь 20 кизот мзярда сонь фатязе полициясь и максозе судти. Теенза мярьгсь кочкамс свобода али смерть, аказамакс коммунизмать эзда али куломс. Ху Лань-шенъ коммунизмать эзда изь аказа и смелста тусь смертт васьфтема.

И эста палачне, кода няеви шарьхкодемось сянть, што юнай революционерсь пяк кельксы эсь тярянц азозь: „Минь казеньдасась конь родительхненъ, тяряненъ и вляшенъ, кда тон аф откажат коммунизмать эзда“.

Но и тя страшнай угрозась ашель синьде Ху Лань-шенъ комсомо-

лецть железнай волянц. Сонь инголенза палачне казенндазь родителензон и тя дикий наказаниянъемок Ху Лань-шенъ отвечась: „Казенндамок алязень и тярязень, тинь ашеть сян монь кядьстон рабочай классь великай тевонц, конань инкса мон анокан куломс“.

Палачненъ мечсна колмоцеда вьшкзовсь... Ху Лань-шенъ комсомолецть казенндазь.

Ху Лань-шенъ комсомолецть и тьожатть лия революционерхнен вастс кепсикть революциянь миллиот солдатт. Китайской Якстерь армиянь полкнень пядеда ламосна ашихть комсомолецста и рабочей и сьора видинь од ломаньцта.

Гитлеровской Германияса фашистской террорть колга цифоатне

Алува няфтьф цифратне сьавфпцтай сембе германской фашистской прессать (печатть) сообщениязон эзда. Фашистской печатсь пяк шураста максси тяфтама, сообщенияз процесснень колга, конат молихть антифашисттнень лангса. Но сякокс жа и тя цифратневок макссикть представление Гитлеровской Германияса фашистской террорть свирепстванц колга.

Эрь шиня Германияса политической процесснень коряс тиеньдевихть приговорхть тюремав пякстаизь колга средняйста сявось 42,7 кизос.

Эрь шиня Германияса йоравихть тюремав политической тевонкса

20 рабочайхть. Сявомок 1933 кизонь январьть 30 шистонза йордаф тюремав 27356 ломатть.

Эрь шиня Германияса йотнихть 7 проест антифашисттнень каршес. 1935 кизоня ульсь 2605 проест, кода судендафт 7870 обвиняемайхть

Муфт 4900 антифашистонь лепт, конат шавфт „Третьей империять“ колма кизонь эряманц пинкста. Шавфчненъ действительнай лувксна ламода сьада лама, сяс кода аныцек шураста можнат мумс сятнень лемсна, конат злодейски шавфт гитлеровской бандатнень мархта.

Тя спискати эрявихть прибавамс сятнень, кие пякстаф концентрационной лагеря. Аф ули преувеличениякс, кда лувомс синь лувкснон миллион ломанень цифраса. Тя миллионць рабочайхть, служащайхть крестятт, интеллигентт.

Германиянь МОПР-ать даннаензон коряс, гитлеровской господствать колма кизонзон пинкста тюрмава, заключениянь кудга и концентрационной лагеря тарксевсь издевательстваненди и пыкатненьди 243 тьожатть трудяихть. 198600 трудяихть, त्या лувисть эса ават и идеть, калечендафт.

Тяфтапт ужасонь цифратне. Нят цифратне сьажа пинкть няфесазь коммунисттнень, антифашисттнень героизмаснон, корхтайхть тюремативольснон колга, конац аф синьдеви кодамовок фашистской терроронди.

СЯВОДА КЕПЕТЬКС КИРЮШКИНАТЬ ЭЗДА

Саранск. Мартть 8-це шистонза мокшэрзянь рабфакста ульсь казф студентка Кирюшкина Марусьясь. Сон тонафни аныцек „отлично“ и „хорошо“ отметка мархта.

Марусьясь аф аныцек цебарьстатанафни, сон и цебарь физкультурница. Сон ни получандась: ГТО-нь, ПВХО-нь, ГСО-нь, „В. С.“ значект.

Тяни якай планеристонь и парашютистонь курсс.

Сон ни тонадозе парашютнай тевть, маластонь пингть комоти самолетста парашют мархта.

Минь республикастонь стирьнятненьди эряви сявомс кепетькс мокшень стирьнять—Кирюшкина Марусять эзда.

Арбузов.

Куйбышевской краиса ВЛКСМ-нь первичнай организациянь комитетонь секретарьхненди и комсоргтненьди инструктажнень йотафтомать колга

ВЛКСМ-нь Крайкомть путфисоц мартть 11-це шиста 1936-це киз.

Кулхцондомок ВЛКСМ-нь Пензенской горкомть секретаренц Масалкин ялгать, Кинельской райкомть (Тюрин ялгать), Борской райкомть (Терихин ялгать), Похвистневской райкомть (Ягодин ялгать) и Иссинской райкомть (Дубинин ялгать) сообщениаснон, ВЛКСМ-нь Крайкомсь лувонцы (отмечает), што ВЛКСМ-нь Пензенской горкомть секретарьда Масалкин ялгада башка, ВЛКСМ-нь тяда вярязонфт лия райкомонь секретарьхне ашезь пашкодь ВЛКСМ-нь Центральной комитетть указаниязон эрь одс кочкаф комсоргть и комитетонь секретарьть персональна инструктировандаманц колга.

Отмечандакшнемок, што краиса лия райотнень эсонга комсоргтнень и комитетонь секретарьхненъ персональна инструктированияснон вастс, синь мархтоз йотафневихть совещаният союзнай работань общай кизефкснень колга, ВЛКСМ-нь Крайкомсь путсь обязанность ВЛКСМ-нь мокшэрзянь обкомть, горкомтнень и райкомтнень лангс:

1. Сьада курок кярьмодемс эрь одс кочкаф комсоргть и комитетонь секретарьть персональнайста инструктировандамост, сатомс сямь, штоба цебарьста и абстоятель-

найста уলেখть азонфт од активти союзнай работань практической кизефкснень, васендакига: кода тиеньдемс работамань план, кода анокламс союзнай шити, кода организовандамс политшколатынень и кружокнень работаснон, кода йотафнемс стирьнятнень йоткиса работа, кода обеспечендамс отчетно-перевыборнай кампаниять пингста комсомолецнень примсепф предложенияснон пашкодемаснон и ст. тов.

2. Мартть 20-це шистонза ВЛКСМ-нь Крайкомть бюроса кулхцондомс Колокольниковской, Большечерниговской, Дубово Уметской, Поимской и Телегинской райкомтнень секретарьснон сообщениаснон сянть колга, кода синь пашкочнесазь ВЛКСМ-нь ЦК-ть директиванц комсоргтнень и ВЛКСМ-нь комитетонь секретарьхненъ персональнай ирструктажснон колга.

3. Тя решениять пашкодеманц ванондома и комитетонь секретарьхненъ и комсоргтнень инструктировандама тевса райоттненьди кучемс ня ялгатьнень: Бутенкоть—Сергиевская, Даниловть—Чердак-Лы и Н. Малыку, Савостьяновть—Кинель-Черкассу и Похвистневав,

Точилинть—Неверкина и Ст. Кулатку, Катсонть—Башмаков и Каменкав, Законть—Елховкав и Н. Буяну, Захаровть—Николзевкав и Н. Спасску, Купцевть—Клявлинав и Ч. Вершинатненьди, Рыбинть—Петровкав, Великановть—Керенская и Тарасовть—Наровчату и Беднодемьяновская.

4. Мярьгомс ВЛКСМ-нь Крайкомть крестьянской од ломанень отделонц заведующаенцты Бутенцо ялгати примамс мерат сьавди, штоба комитетонь одкс кочкаф секретарьхненди и комсоргтненьди максомс союзнай работань кизефкснень коряс популярнай литературань аф оцю библиотечканят.

5. „Волжской комсомолецть“ редакциянцты мольфтемс „кизефксонь и ответонь“ ужень сянть инкса, штоба азончнемс одс кочкаф комсоргтненьди и комитетонь секретарьхненди союзнай строительствань разнай областьса теест аф шарьхкодеви кизефкснень.

ВЛКСМ-нь Крайкомть секретарец

БЛЮМКИН.

МИНЬ АНАТАМА ЦЕБЯРЬ МОРОТ

Пионер ялгат!

Мокшень кяльса од морода вельф кржа, тьса тинь азость виденц. Но жда кармаледе морсемост ся морхень, конатнень сьормадозь мокшень поэтне и писательхне, то улель ба тийф оцю сатфкс.

Мон сьормадонь тьфтама морхт: (оцюовонь морхт) — „Ударниконь мора“, „Стакаль сире эрафсь“, „Эрян и каснь“ — (мора стахановкатнень колга), „Кировть колга“ „Тунда“ и лият. (Пионерхненьди) — „Мон пионеран“, „Сьоксе“ и лият. (Октябренокненьди) — „Мази май“, „Минь октябреноктама“, „Тялоня—тялоня“ и ст. тов. Кода нйсасть сьормадфоне улихть, сембе синь лисендсть печатьста: „Комсомолонь вайгяль“ газетаса, „Колхозонь эраф“ и „Як-стерь галстук“ журналхнень эса, башка сборникова, кода „Тюресь сясыксть“. Сяда башка ули сиде морня-ь (частушкань) сборникозе, демоц „Моратама“. Моньледон башка лама сьормадсть и лияды поэтневок: Безбородов, Бебан, Левчаев и лиятне.

Но моронь строителствати эрявхть аф анычек валхт, конатнень сьормадозь поэтне, а ся валхненьди эряви музыка, лиякс азомс синь эрявхть йотафтомс нота лангс А сьс, марсатинь мархтононт эряви пуюмс счет композиторхнень ингели, и васендакиге мокшень композиторь А. П. Кирюковть ингели! Сяда башка эряви пуюмс счет Мокшэрзянь издательствати ингели, штоба сон курокоя ноляльхцень ба Кирюков ялгать музыка йотафть моронзон.

Мон эсь ширьден максан теенть вал, што тячиень шиста сявомок жарьмодян од моронь сьормадом. Поэтнень и писательхнень ингели ечетсь путф эсь пингстонза. Но тьасть юксне сян, што тинь эсь йотксононтонга улихть моронь сьормадохть Варжаенть эсь виентень, а мон лияды поэтнень и писательхнень мархта марса карман теенть лездом!

Виард.

Сьорма „Комсомолонь вайгяль“ газетать редакцияцты и мокшень писательхненьди

Кельгома редакция! Минь, пионерхне, „Комсомолонь вайгяль“ газетать вельде аныкд-тьма пуюмо тьфтама кизефкст:

1. Мес минь мокшень поэтонек аф йотафнихть рузонь кяльста мокшень яльса тьфтама моронень, кода Чапловть, Ворошиловть и лия замечательнай тейохнень и ми ь вожденькоя колга, конат морсеххть рузонь кяльса?

2. Мес поэттне оиньц аф сьормадыхть мокшень пионеронь морот, конат морсеххть ба мокшень школатнень и пионеронь отрядтнень эса?

Минь школасон и пионеронь отрядсонон морсеххть морот рузонь кяльса, а мокшень кяльса морсеххть кржа ся, мес пионеронь мокшень эрявино морот аф нвенттьма. Ида улихть мокшень кяльса пионеронь морот, то азость тейнек, кста винь сатомо.

Од Потьмань „Ленинонь лемса“ пионеронь отрядть порученияц коря сьормадозь отрядонь советть председателец ЛЮБА ЛЕВШАНОВАСЬ.

Адресонько;

Ст. Zubovo-Polye, N. Pot'manь школав.

Редакциять эзда

Од-Потьмань пионерхнень сьормасна ащи, кода оцю и за коннай требование минь мокшень поэтоньконьди и сяка пингова композиторхненьди и Наркомпрости.

Пяк кржа ниньге минь цебарь мородонок, но и уликсневок нинге апак кочкакт марс, апак тийхть лангзост музыка и апак нолдакт башка книжканяса.

Получамок пионерхнень сьормаснон „КОМСОМОЛОНЬ ВАЙГЯЛЬ“ газетать редакцияц тийсь беседа поэттнен ВИАРД, М. БЕБАН, П. КЛЕЩУНОВ, П. ЛЕВЧАЕВ и Е. ПЬЯНЗИН ялгатнень и мокшень композиторь А. П. КИРЮКОВ ялгать мархта, конат оцю мяльса макссть вал эсь сьормасост тьштес пионерхненьди цебарь морот.

Киньди жа, кода аф Мокшэрзянь Наркомпрости и Изда-тельствати, и сядонга шяк писателень правленияти эряви кундамс тя оцю и почетнай тевти—максомс павазу идьтненьди цебарь морот. Редакциясь надияй, што азф организациятне кульсавь пионерхнень вайгяльснон и отвед максыхть тевса.

МАКСТАМА МОРОТ ПИОНЕРХНЕНЬДИ

Виде, минь мокшень писательхне тячиень шить самс идень моронь и лия идень произведенийнь сьормадомать шири мяльснон шарфнезь лафчста. И тинь эсь жизне-радостнай сьормасонтт кизефкст минь кястонк ся кизефкснень, конат тани эрявхть колхознай велень шабатненьди.

Монга тя пингс хуть сьормадкхень идень морхт, но кржа. Стихонь сборниксон „Паваз“ улихть иде нь морнят. Тьада башка, ня шитнень

„Мокшень правда“ газетась пчатласы монь, шабань йофксозень „Шляй“, конац сьормадф стихса (ваность „Мокшень правда“ газетать март ковста номеронзон).

Но тя кржа, мон максан вал те-енть сьормадомс нинге сяда лама и сяда цебарь идень морат и йофкст.

Уаеда шумбрат!

Петр Клещунов.

Сьормадан пионеронь мора

Лувиная тинь сьорманьтень, пионер ялгат!

Мокшень кяльса морпонок минь ниньга пьак кржа. И сядонга кржа минь тиема пионерхненьди цебарь моронь сьормадомаса. Тя тевса, кода няеви, минь мокшень поэтне илядома фталу.

Видя, мон мекпальден пингть работан драматическай произведе-ниянь лангса, но тинь сьорманьте монь пряма кошарьсамань пионерхненьди мокшень моронь сьормадомаса.

Мон теентть йотафьста рузонь кяльста кельгома мороньтнень Во рошилов ялгать колга и сяда башка тьштян маластонь пингова пионеронь мора.

Пара вал мархта Макс Бебан.

„Максан обязательства“

Мокшень композиторсь Л. П. Кирюков ялгась, лувомок пионерхнень сьормаснон, газетать вельде мярьгсь азомс эсь обязательстванц пионерхнень инголя:

— Мон сьормадонь мокшень кяльса мора „Мон пионеран“ (валхне Виард ялгать). Ня шитнень эзда мон сонь тийса марнек и оцю мяльса максса пионерхненьди.

Сяда башка,—корхтай Кирюков ялгась, апрельть васень шистонза карман работама эхярь идень и пионеронь мора лангса.

Тьфтама монь обязательстве.

Тонь сьормаце макссь од мяльхть

Левштанова ялгай! Од-Потьмань пионеротрядонь советть лемста тонь сьормацень морфтыне, Коса тон пеняцят, што мокшень поэтне и писательхне пцтай прокс аф сьорматкшихть пионерскай морот. Тя тонь видеце. Минь пьак кржа мокшень кяльса сьорматф пионерскай мордонок аф ваномок сян лангс, што ули кинди сьормадомс.

Монь пьазон тонь сьормаце макссь од мяльхть и од моронь темат. Тяньди отвекс тейть мон азонца, што маластонь шитнень эзда сьормадан теентть пионерскай мора, конань художественнай ширьде формендаманыты пуца сембе уликс виезень.

Ульхть шумбра. Г. Пьянзин.

Левштанова ялгай!

Пяк мялезон сьормаце. Тон азоть тейнек стама виде валхт, конатнень каршес анычек валса отвечаемс аш кода. Азса видеста: сьормадан пионеронь мора васеньце майти.

Мокшень кяльс йотафьста тя рузонь мороть, конань кельксы тонь отрядце. Кучесть тя мороть Саранск ошу, „Комсомолонь вайгяль“ газетать редакцияс, и мон сонь йотафьста.

Петр Левчаев.

Картаевть сюнеда...

Шайгав. Кулдымонь первичнай комсомольскай организацияса кода-мовок работа аф йотафьневи. Январьста сявомок ашезь пуропнев фья-вок комсомольскай пуромкс. Комсоргть Картаевть тевфема шидонза нльня изь кочкес комсомолонь уставть од проектоц тя первичнай организацияса.

Велькор.

Васеньцесь „Счастливая юность“

Мартть 13-це шистонза Слобдань районца ушелсь колхознай од ломанень кинофестивальсь

Слобда ошень улыцатнень эзга петфнефт оцю уряднай афишат кинофестивальть колга, вакссост петфнефт плакатт, коса рисовандафт „Чапаев“, „Юность Максима“ и лия картинатнень эзда выдержкат.

Живолгодсь „Восток“ киноська. Ушаширьде пьазонза палы элекрической звезды, флагса и йолкаса кружафста ашихть Сталинонь и Ленинонь портретсна. Потмоса плакатт, лозунгт, йолкат, портретт и ст. тов. 300-та лама делегатт—колхознай паксянь ударник и ударницат састь кинофестивальти. Синь ульсть ладс васьфтьфт, путфть общежитияс и обеспечендафт архца-мань талонца. 3 частса шить уше-дсь фестивальсь. Васеньце картинась ульсь няфтьф „Счастливая юность“. Делегаттне сембе сеансонь перьф ашесть сетьмоста и картинать ванозь и кулхондозь исключительнай внимания мархта.

Илять ульсть обсужденийат тя картинать колга.

— Мон картинать ваномста марьяне эсь пьазонь одкс и тейне арам, бта монга молень нят стро-йнай, весяла физкультурникнень

колоннаост,—корхтай фья сире делегатсь.

— Тя картинать ваномдонза меле моньдине хочетьс улемс стама жа физкультурникакс, кодапт няень тя картинать эса, но эряви ужальдемгя азомс, што минь Слобд-нь районца физкультурнай работась ладяф калдывста, майть 1-це шинцты эряви миньга организовандомс тьфтама физкультурнай демонстрация, тьфта азозе эсь мяленц делегат кась—комсомолкась Юдичева ялгась.

И нинге лама делегатт азондозь эсь мяльснон картинать колга. Сембе отмечали партиять и правительствать, а башка Сталин ялгать вельф оцю преданностьснон и любовьснон СССР са физкультурнай движенияти. Картинась сембонь пьак тусь мялезост и сембе няфть-сть фья афсатыкс, тя калдывста ладяф звукопередачась, ламоц валхне и корхтаматне аф пьак шарьх-кодевихть.

Обсужденияда меле ульсь пьеса, „Политрук Лихачев“, конац пут фоль педтехникумонь драмкружокть мархта, а пьесада меле физкультурнай выступленийат и дикло-мацият.

Перерывонь пиньгть морай духо-вой оркестр,

Ардеев

Аделавась кинофестивальсь

Мартть 8-це шистонза Рузаев-кань кинотеатраса паньжевсь рай-оннай колхознай одломанень ки-нофестивальсь. Фестивальса при-мась участие 355 ломатть, конат-нень йоткса ульсть стахановецт и стахановкат.

Делегаттне ульсть пьак весялат и радостнайхть

Фестивальсь мольсь 3 шит, коса ульсть няфтьф 5 кинокартинат.

Кинофестивальть ушел домок ВКП(б) нь райкомть секретарец Васин ялгась тийсь поклад кино-фестивальть значенияц колга.

Ульсть няфтьф: „Чапаев“, „Крестьяне“, „Аэроград“, „Счастли-вая юность“ и „Златые горы“ картинатне.

Эрь картинать колга лама корх-тасть и макссесь кизефкст од ло-матьне.

Пяк цебарь характеристика од ломаттне макссть „Чапаев“ кар-тинати. Делегаттне корхтасть сонь башка героензон колга, советскай власти синь преданностьснон колга.

Делегаттне вешихть кинотресть ширьде, штоба нолдамс картина комсомолть историяц колга, Лени-нонь подпольнай работанц колга, Лейпцигскай процессть колга.

Делегаттне вешихть, штоба няф-темс сембе колхознень эса „Чапа-ев“ и „Крестьяне“ картинатнень.

ЭРЯФТЬ ИНКСА

(4-це паяльксть поладксоц, ушедксоц 31 № са).

А туманць
Лугать и паксать келева,
И лять ланга
Таргавсь кода вай велезсь.
Дубрф калдорф
Паксав арпыхть велеста,
И кой-коста
Мярвась вяшконець пеелемсь.
Хуторть эзда
Нуень помочсь нума лиссь,
Менельть эса
Якстерсь сенемкс полафни.
Стяда эрямс
Козянь розти лядыкс шись—
Сарду кяльсост
Мелю расать нолафнихть...
Козять паксая
Йофсикс мяргат архканца,
Ширьде ваномс
Бта мадинь стада паныць.
Дригань пингста
Ашель йотка корхтамска—
Эрь нуйть мельгя
Лйгор ланкса ластя ванць.
Цьора ваксса
Стирхне пряснон шнафнесазь,
Йошу цьорат
Эсь ингольксост стирхть нуфтыхь,
Пулфть лишь сотсазь—
Мельгаст мельцек стяфнесазь,
Казям прясост
Расать эса шись суфты...
Позна вилеф
Люкшась кармась панжема.
Прокс морозса
Акша келекс пкштыи...
Вель меленьцась
Аф маряви лажнама,
Аньцек вирьса
Мярвась Сьома лкштыи.
Кизонь станоц
Вель меленьцать каршеса,
Сяда ала
Ащи Сьомань мератаи.
Тячи танга
Стану лиси, варчсы сай,
Повихть калнят—
Паньфти калонь прякат.
Повихть лещат
Вель меленьцав канцыне,
Тоса почф лангс
Мельникненди мисыня.
Пудс пуромомс
Кардоньяс ванфцыня.
А сай Ленкхась
Почфнень куду висыня...
Вов лиссь стану.
Траксне мадонить ваймана.
Сьомань малас
Аф знакомай атя мольсь.
Корхтай:
— Цьорай!
Кант толне, сак таргама...
— Меленьцав сать?
— Да, л мезец бди танга кольсь.
Ламос учссемс...
— Инксонтт сон аф аварди,
Хотыи яжавсь
Миньгондяпня та пецазь.
Нийсак розенц
Пеконкса лишь сярвядихть,
— Ризфсь и горясь
Врагть кяцта верть стак симфцазь.
Кулхдонтт, цьорай,
Азонца синь эряфснон,
Азсса сембень
Кодня синь козякаць:
Ворхт, ртзбойникт—
Калдун душман—терясноль,
Сембе фкатольхть
Салазь колазь кутор путсь
Вов тя вастса,
Кода тячимс мяляфтса,
Эстакиге
Ульсь синь рамаф модасна.
Вона нийсак
Тума ащи веляфста, —
Вов сянь алонь
Ся пингть тингсна—полавсна.
Полавть фтала
Тячимс тозк радник эши,
Конань ваксса
Ащесть кудсна, банясна.
Сяколь мяльсост:
Учссязь кова шись кяши—
Шобда вирьса
Зверень постснон занясазь

Стама тefне
Нльня страшнат азондомс,
Ветне шобдат:
Шуфтне ащесть сидеста.
Синь кирашкса
Учссяхть зарять лазовомс,
Ломань печкомс
Аноктольхть синь седисна.
Фкя кись йоталь
Вири Шайгав велеста,
Омбоце кись
Видеста мянь Слобдати.
Йотайхть—шайхть
Печксесть цяккса, пеельса,
Сявсазь паршить—
Синьценъ йордсаязь томбати...
Тейне арам
Кизодон кемнилиель,
Вов ся пингть и
Улень мон работниксна.
Кудснон перьфса
Мезе мярьгольхть—тиелень,
Вазснон мархта
Удсень перьфсост—скотникса.
Пингсь ульсь сьоксе,
Но нинге аф якшамоль,
А мон садсост
Марлю перьфснон шувондонь.
Кати кие ардсь:
Н-емс усфоц аф шаволь,
Усфонц перьфкя
Пинец шаронць сувондозь.
Монне прясон
Пряшьярьне анокс стясть,
Сяконь арьсень:
Мезь аф няян—ащема.
Пята сонць мярьгсь:
— Перяфть эзда доскат сясть
Керыть пеньгакс
И архт банянь уштома
Частонь потмос
Вов ни явась банясна,
А Мишарьсь
Сргавозти вель каннесь.
Качамать йотамс
Шашць шям" мархта бабасна,
Полпотмоса
Бта мярьгат идь ваннесь.
Сань мон куду
Кизефине Пятатень,
Мя-ьгонь атай,
Можна-ли тумс вень улыцязь?
Синь пях радтольхть
Йофсикс бта учсезь тянь.
Тиень туйкс
И кяшень соду баня прях.
Сире вельмась
Банясь ульсь ськамонза,
Шоваф табакт
Йордась крфай жархненди...
А зверь атясь
Ушелсь банянь шнамонза,
Сватти корхтась:—
Банясь пара, архта ни.
Аф знакомайть
Цють аф вихца лифтезе,
Туйсь изь шарьхкодь,
Банясь уштф сонь лемонцты
Мишань кядьста
Вирьге баняв вифтезе,
Сонь прокс тигра—
Аноклась прях тевоцты...
Баня пряха
Прязе кармась шарома,
Йофсикс арьсят
Кядьстон вина четверть симфцть.
Сайсь сувась
И каясь пси, куць паряма,
Сизефть мархта
Исьця маря табак шиньфть.
Табак ялу
Псиса парязь, эжендезь,
Афи фатась
Кона пингть машць йожонза.
Баня кенькшкяць
Фталда олкса нежедезь—
Пандозь вальмять,
Штоба кожсь дяль кожеда.
Алят—цьорат
Банянь перьфке куйкс шашнесть,
Седисна синь—
Цинзерста мяньф пиненьнет.
Капкан лаца
Кельда-келес кургт афнесть,
Аноклась прях
Свежай верда симеме.
(ПЕЦ МОЛИ)

Юнкорхне сьормадыхть

СБОРХНЕ ЙОТНИХТЬ ВЕСЯЛАСТА

Саранск 4-це № школань Мичури
нонь лемса пионеротрядсь меколь
день пиньгть цебар-ста кармась
работама. Отрядсь и звенатне ра-
ботайхть планонь коряс. Сборхне,
кода отряднайхне, а станя жа
звеньевойхне, йотафневихть регу-
лярнайста интереснайста.

Пионерхненъ, вожатайсь Филип-
пова Нинась сявоньсыне киноч,
экскурсия. Организовандакшни
мархтост играт и танецт.

Отряднай сборхненъ эса эрьсихть

представительхть общественной ор-
ганизациятненъ эзпа, пионерхненъ
родительсна. Пионерхне сборхненъ
зда илядкшнихть пяхдовольнайста.
Тя школаса ули илътненди биб-
лиотека, коста пионерхне лувон-
дыхть лама книжкат.

Вожатайсь Филиппова ялгась
пионерхненъ эзда организовандась
агитбригада, конач тиеньди высту-
пленият эсь вечерсост и подшеф-
най организациява.

Николай Алексеев.

Оцю урожаенкса соревнование

Мон Чуранов Алексей Федорович
Зубунь райононь „Ленинонь кия“
колхозонь первичнай комсомольс-
кой организацияс комсорган. Мон
эсь лангзон сявоньдьян обязатель-
ства, штэ комсомольской организа-
циять, кося мон работан тийса пе-
редовойкс Анаевской кустть эса
Монь организацияснон сембе ком-
сомолечне дисциплинированнойхть
и пяхкодькшнесазь сембе зада-
чатненъ, конат путфт синь ланго
зост.

Минь комсомолечне тядденъ ки-
зоть сявومه участка и видетяма
2 гектархт тозер, минь карматама

тюрема сянь инкса, штоба тя учас-
ткаста савоме тозерда колмоксць
сяда лама 1935 кизоть коряс.

Мон и минь комсомольской ор-
ганизациянке терьнесазь социали-
стической соревнованияс „Якстерь
теште“ колхозонь первичнай ком-
сомольской организациять.

„Ленинонь кия“ колхозонь первичнай
комсомольской организациять комсор-
гоц

А. Ф. Чуранов.

Редакциять эзда: Минь вештяма
штоба „Якстерь теште“ колхозонь
первичнай комсомольской органи-
зациясь кучель редакцияв сьорма
тя терьдемасть примаманц колга.

Касы идень учрежде-
ниятненъ лувкссна

Саранской района кизоста ки-
зос касы идень учреждениятненъ
лувкссна. Сяда оцю значение кирь-
дихть идень сезоннай яслатне ко-
нат макссихть возможность колхоз-
ница-аватненди участвовандамс
паксая работатненъ эса.

1934 кизоня районть эзга ульсь
паньфч идень сезоннай 48 яслат.
конат обслуживандакшнесть 1600
идь. 1935 кизоня яслатненъ лувкс-
сна кассь 66. Обслуживандаф 1916
идь. 1936 кизоня арьсви панжемс
идень сезоннай 66 яслат 2125
иденьди.

Касы и идень площадкатненъ
лувкссна. 1934 кизоня синь эздост
ульсь 37, 1470 ломаненьди, а 1935
кизоня—49, 1997 ломаненьди. 1936
к. арьсви панжемс 61 идень
площадка, 2870 ломаненьди.

Колхозсь анок
тундань видемати

Зубу Оцялунь „Валда ян“ кол-
хозсь цебарьста аноклась тундань
видемати Колхознай инвентарсь
сембе ремонтировандаф, вильмотне
сембе сортировандафт и ускфт ни
паксая статненди.

Алашатненъ упитанностьсна це-
барь сембе бригадатненъ эзга.
Алашатне сембе кемокстафт нят
колхозникненди конат синь „ланг-
сост кармайхть работама. Сембе
бригадатне явфт звенава.

Тундань видемати анокламаса
колхозти пях лездсь стахановской
декадниксь, конач йотаффт фев-
ральть 10-це шистонза сявомок
25-це шинц самс

Колхозсь усксь паксав наземца
5200 усфт, кулуда 250 центнерхт
и саразонь пометта 100 центнерхт.
И.—Г.

Работа аф няеви

Саранск. Пединститутса сембоц
4 факультетт. Эрь факультетса ули
комсомольской бюро, конатненъ
эса улихть башка тевонь органи-
заторхт. Ня организаторхне нинге
кочкафт декабрьста, а работа ко-
дамовок аф йотафнихть.

Кепотьксонди Грико ялгась,
кочкаф культмассовой организа-
торкс. Сон тя пиньгс мезевок аф
работай. Грикось аф содасы тя
пиньгс, кося эряйхть сонь комсо-
молечонза и кода эряйхть.

Якутин ялгась кочкаф физкуль-
турнай организаторкс. Виле, сон

сонць цебарь физкультурник и за-
нимандай физкультураса, а ялган-
зон тя тевти аф таргасыне.

Комсомолечненъ ули мяльсна
максомс норматненъ ГТО нь зна-
чекс, но физкультурорганизаторсь ко-
дамовок мяль аф шарфни тянь
лангс. И тяфта тевсь ащи сембе
факультеттненъ эса. Комитетсь ме-
зевок аф тиеньди факультетонь
бюротненъ работаснон цебарьгоф-
томаса. Виле, заседанияда эряй
лама, а тевда комитетсь тиеньди
кржа.

Н: Сильный.

Конкурс инь цебарь курсонкса

Саранск. Мокшэрзянь пединсти-
тутса азф конкурс инь цебарь кур-
сонкса. Конкурс сувсихть тяфтама
пунктт: тюремс сембе ширьде гра-
мотнай студентонкса, сембе студент-
тненъ фатямс социалистической
фкя фкянь йотамаса, лувондомс
художественной литература и ст.
тов.

Конкурсти сувасть сембе факуль-
тетонь курсне. Станя жа йотафне-
ви конкурс инь цебарь конспектом
кса.

Кона курссь лиси цебарь вастс,
ся ули казьф.

Г.

Отв. редакторсь Ф. С. РУСЬКИН

Уполномоченный главлито № 448. Заказ № 1021. Тираж 2480.

Саранск типография „Красный Октябрь“ Мордгиза